

四部文明

西安曲江文化產業投資集團支持

文懷沙 主編

商周文明卷



(七)

陝西震旦漢唐研究院 編纂
陝西人民出版社

四部文明

文懷沙主編

商周文明卷

陝西震旦漢唐研究院 編纂
陝西人民出版社

七

「商周文明卷」七



十三經彙函一

周易一

唐石經本周易九卷略例一卷

〔魏〕王 弼撰略例 三——一一一

周易九卷附略例一卷

〔魏〕王 弼〔晉〕韓康伯注〔魏〕王 弼撰略例 一一三——一七九

周易集解十七卷

〔唐〕李鼎祚撰 一八一——二九四

周易集傳十一卷

〔宋〕朱 震撰 二九五——五四二

周易鄭康成注一卷

〔漢〕鄭 玄撰〔宋〕王應麟輯 五四三——五六〇

周易要義十卷（原闕卷三至六）

〔宋〕魏了翁撰 五六——六六二

泰軒易傳六卷

〔宋〕李中正撰 六六三——八一

十二經彙函一




〔魏〕王弼撰略例

周易略例

歲得丙寅
百五堂

周易上經乾傳第一

王弼注



乾下
乾上

乾元亨利貞初九

潛龍勿用九二見龍在田
利見大人九三君子終日

周易

卷一

一爾忍堂

乾乾夕惕若厲无咎九四
或躍在淵无咎九五飛龍
在天利見大人上九亢龍
有悔用九見羣龍无首吉
彖曰大哉乾元萬物資始
乃統天雲行雨施品物流

形大明終始六位時成時
乘六龍以御天乾道變化
各正性命保合大和乃利
貞首出庶物萬國咸寧象
曰天行健君子以自強不
息潛龍勿用陽在下也見

周易

卷一

二爾忍堂

龍在田德施普也終日乾
乾反復道也或躍在淵進
无咎也飛龍在天大人造
也亢龍有悔盈不可久也
用九天德不可爲首也文
言曰元者善之長也亨者



嘉之會也利者義之和也
貞者事之幹也君子體仁
足以長人嘉會足以合禮
利物足以和義貞固足以
幹事君子行此四德者故
曰乾元亨利貞初九曰潛

周易

卷一

三 頤忍堂

龍勿用何謂也子曰龍德
而隱者也不易乎世不成
乎名遯世无悶不見是而
无悶樂則行之憂則違之
確乎其不可拔潛龍也九
二曰見龍在田利見大人

何謂也子曰龍德而正中
者也庸言之信庸行之謹
閑邪存其誠善世而不伐
德博而化易曰見龍在田
利見大人君德也九三曰
君子終日乾乾夕惕若厲

周易

卷一

四 頤忍堂

无咎何謂也子曰君子進
德脩業忠信所以進德也
脩辭立其誠所以居業也
知至至之可與幾也知終
終之可與存義也是故居
上位而不驕在下位而不

周易

卷一

五
百
忍
堂

憂故乾乾因其時而惕雖
危无咎矣九四曰或躍在
淵无咎何謂也子曰上下
无常非爲邪也進退无恒
非離羣也君子進德脩業
欲及時也故无咎九五曰
飛龍在天利見大人何謂
也子曰同聲相應同氣相
求水流濕火就燥雲從龍
風從虎聖人作而萬物覩
本乎天者親上本乎地者
親下則各從其類也上九

周易

卷一

六
百
忍
堂

曰亢龍有悔何謂也子曰
貴而无位高而无民賢人
在下位而无輔是以動而
有悔也潛龍勿用下也見
龍在田時舍也終日乾乾
行事也或躍在淵自試也

位乎天德亢龍有悔與時
偕極乾元用九乃見天則
乾元者始而亨者也利貞
者性情也乾始能以美利
利天下不言所利大矣哉
大哉乾乎剛健中正純粹

周易

卷一

七
頤忍堂

精也六爻發揮旁通情也
時乘六龍以御天也雲行
雨施天下平也君子以成
德爲行日可見之行也潛
之爲言也隱而未見行而
未成是以君子弗用也君

子學以聚之問以辯之寬
以居之仁以行之易曰見
龍在田利見大人君德也
九三重剛而不中上不在
天下不在田故乾乾因其
時而惕雖危无咎矣九四

周易

卷一

八
頤忍堂


重剛而不中上不在天下
不在田中不在人故或之
或之者疑之也故无咎夫
大人者與天地合其德與
日月合其明與四時合其
序與鬼神合其吉凶先天

而天弗違後天而奉天時
天且弗違而況於人乎況
於鬼神乎亢之爲言也知
進而不知退知存而不知
亡知得而不知喪其唯聖
人乎知進退存亡而不失

周易 卷一

九節忍堂

其正者其唯聖人乎



坤下
坤上

坤元亨利牝馬之

貞君子有攸往先迷後得
主利西南得朋東北喪朋
安貞吉彖曰至哉坤元萬
物資生乃順承天坤厚載

物德合元疆含弘光大品
物咸亨牝馬地類行地无
疆柔順利貞君子攸行先
迷失道後順得常西南得
朋乃與類行東北喪朋乃
終有慶安貞之吉應地无

周易 卷一

十節忍堂

疆象曰地勢坤君子以厚
德載物初六履霜堅冰至
象曰履霜堅冰陰始凝
也馴致其道至堅冰也六
二直方大不習无不利象
曰六二之動直以方也不



習无不利地道光也六三
含章可貞或從王事无成
有終象曰含章可貞以時
發也或從王事知光大也
六四括囊无咎无譽象曰
括囊无咎慎不害也六五

周易

卷一

士師忍堂

黃裳元吉象曰黃裳元吉
文在中也上六龍戰于野
其血玄黃象曰龍戰于野
其道窮也用六利永貞象
曰用六永貞以大終也文
言曰坤至柔而動也剛至

靜而德^也方後得主而有常
含萬物而化光坤道其順
乎承天而時行積善之家
必^也有餘慶積不善之家必
有餘殃臣弑其君子弑其
父非一朝一夕之故其所

周易

卷一

士師忍堂

由來者漸矣由辯之不早
辯也易曰履霜堅冰至蓋
言順也直其正也方其義
也君子敬以直內義以方
外敬義立而德不孤直方
大不習无不利則不疑其

所行也陰雖有美含之以
從王事弗敢成也地道也
妻道也臣道也地道无成
而代有終也天地變化草
木蕃天地閉賢人隱易曰
括囊无咎无譽蓋言謹也

周易

卷一

士而忍堂

君子黃中通理正位居體
美在其中而暢於四支發
於事業美之至也陰疑於
陽必戰為其嫌於无陽也
故稱龍焉猶未離其類也
故稱血焉夫玄黃者天地

之雜也天玄而地黃



震下坎上

屯元亨利貞勿用
有攸往利建侯彖曰屯剛
柔始交而難生動乎險中
大亨貞雷雨之動滿盈天
造草昧宜建侯而不寧象

周易

卷一

士而忍堂

曰雲雷屯君子以經綸初
九磐桓利居貞利建侯象
曰雖磐桓志行正也以貴
下賤大得已也六二屯如
遭如乘馬班如匪寇婚媾
女子貞不字十年乃字象



曰六二之難乘剛也十年
乃字反常也六三即鹿无
虞惟入于林中君子幾不
如舍往吝象曰即鹿无虞
以從禽也君子舍之往吝
窮也六四乘馬班如求婚

周易

卷一

十五 頤忍堂

媾往吉无不利象曰求而
往明也九五屯其膏小貞
吉大貞凶象曰屯其膏施
未光也上六乘馬班如泣
血漣如象曰泣血漣如何
可長也



坎下
艮上

童蒙求我初筮告再三瀆
瀆則不告利貞彖曰蒙山
下有險險而止蒙蒙亨以
亨行時中也匪我求童蒙
童蒙求我志應也初筮告

周易

卷一

十六 頤忍堂

以剛中也再三瀆瀆則不
告瀆蒙也蒙以養正聖功
也象曰山下出泉蒙君子
以果行育德初六發蒙利
用刑人用說桎梏以往吝
象曰利用刑人以正法也

九二苞蒙吉納婦吉子克
家象曰子克家剛柔接也
六三勿用取女見金夫不
有躬无攸利象曰勿用取
女行不順也六四困蒙吝
象曰困蒙之吝獨遠實也

周易

卷一

大爾忍堂

六五童蒙吉象曰童蒙之
吉順以巽也上九擊蒙不
利爲寇利禦寇象曰利用
禦寇上下順也



乾下
坎上

需有孚光亨貞吉

利涉大川彖曰需須也險

在前也剛健而不陷其義
不困窮矣需有孚光亨貞
吉位于天位以正中也利
涉大川往有功也象曰雲
上於天需君子以飲食宴
樂初九需于郊利用恒无

周易

卷一

大爾忍堂

吝象曰需于郊不犯難行
也利用恒无吝未失常也
九二需于沙小有言終吉
象曰需于沙衍在中也雖
小有言以吉終也九三需
于泥致寇至象曰需于泥




災在外也自我致寇敬慎
不敗也六四需于血出自
穴象曰需于血順以聽
也九五需于酒食貞吉象
曰酒食貞吉以中正也上
六入于穴有不速之客三

周易

卷一

九百忍堂

人來敬之終吉象曰不速
之客來敬之終吉雖不當
位未大失也



坎下
乾上

訟有孚窒惕中吉
終凶利見大人不利涉大
川彖曰訟上剛下險險而

健訟訟有孚窒惕中吉剛
來而得中也終凶訟不可
成也利見大人尚中正也
不利涉大川入于淵也象
曰天與水違行訟君子以
作事謀始初六不永所事

周易

卷一

九百忍堂

小有言終吉象曰不永所
事訟不可長也雖小有言
其辯明也九二不克訟歸
而逋其邑人三百戶无眚
象曰不克訟歸逋竄也自
下訟上患至掇也六三食